



序



天不言而雷霆宣其威雨澤宣  
其德聖人作於上而智者效其  
謀勇者效其力其道一也故紀  
星辰日月之行而天之年見焉  
紀臣子攀鱗附翼之功而國家

之盛著焉我

世祖章皇帝應天受命撫有區夏威德  
被于四遠宏謨英斷得之天縱  
者爲多而一時股肱干城之佐  
宣力封疆異姓而王者四人其  
在吾粵者爲

平南王焉蓋自航海歸

命北定燕都西平三楚南開百粵廓清  
千里所向無敵足以播揚

國家之威鎮粵二十餘年邊境乂安民  
樂其業休息長養日以蕃庶足  
以宣布

元功垂範 卷二  
國家之德秉征誅之權而有撫綏之實  
位上將之尊而得大臣之體宜  
其帶礪山河垂勳竹帛與

國同悠久也今

天子眷念

三朝老臣特從所請以

世子公代釐軍事

王以衛武懋德之年優游多暇追  
念疇昔將次第其事彙爲一書  
垂示子孫誠盛舉也以命源進  
進何敢辭顧自以生長南方見  
聞寡眇才力鄙劣敘次益非所

長遜謝久之及得

王宿昔家乘所錄者一月而遂成  
編蓋敘事之外時爲論斷以彰  
王寬大好生之心表當時事機得  
失之會其名曰元功垂範不惟  
王之豐功偉烈展卷昭然卽

開天之規模亦可一二想見國史將於  
是取徵焉豈獨爲一家之寶哉  
進幸觀厥成謹再拜爲之序

賜進士出身吏部考功司郎中尹源進  
頓首拜撰

己未進士

尹源

平南王元功垂範卷上

賜進士吏部考功司郎中東官尹源進撰次

總督兩廣兵部尚書都察院右都御史李棲鳳較定

天開一代必有佐命瑋人撫風雲之會荷永清  
之寄者然而全功者多全德者少蓋摧蕩廓清  
與生全休息心同而用異也我

平南王智淡勇沉一以仁為本當其虎豹在山  
蛟龍出海固已聲馳驃騎量比汾陽矣及夫識  
真歸命畧定中原秉鉞南巡奠安嶺表撫綏一方二十

餘年授政世子

國存征討之烈家兼揖遜之風富壽多男自古名臣  
未能方駕非幸而得之蓋其純德篤行有淡爲  
上帝所簡在者今進久荷帡幪與聞嘉則謹擇其外筆  
疆圉內埤民社諸大政事自甲子至癸丑迄五  
十年勒而成書名曰元功垂範夫事

上貴於忠順故無芒刺在背之嫌待人貴於寬和故有  
醇醪自醉之適用兵貴奇而密故機每發如脫  
兔治民貴正而疏故網寧漏於吞舟半生事蹟

洵足以作後世佐命者坊表不獨爲家乘留訓  
也閒居受簡僭爲詮次無虛美無匿善竊取之  
義實在斯焉

### 甲子王將兵於東江

王姓尚氏諱可喜字元吉世籍真定之衡水遷海  
州王生而權奇驍果有識量甫成童善弓馬結納  
豪俊以俠烈見稱辛酉春二月從先贈王居河西  
王妣先太夫人與其家在河東三月遼陽陷太夫  
人及王兄嫂弟姪并婢僕等皆散失王哀毀骨立

幾不欲生先贈王攜王之松山晨昏定省相依爲  
命先贈王以故里丘墟慨然欲乘長風破萬里浪  
仗劍謁王撫軍化貞撫軍器之令偕毛帥文龍結  
壯士進據東江後廣寧破關外紛擾王獨居松山  
思親念切不得聞問癸亥四月叩山海關求入守  
關者疑遼人固不納王慟哭而還道途多梗死生  
呼吸冒險獨行困苦萬狀於是遵海濱投水師編  
於卒伍爲自存計因密偵先贈王聲息久之聞毛  
帥以鎮江失守退入朝鮮之皮島王間行赴之父  
子相見悲喜并集時甲子首春也先贈王已爲營  
將故與毛帥義兼兄弟毛帥視王如子拔置左右  
日益倚重王齒雖少英氣冠一軍性復謹厚愛人  
能持重諸將士咸屬目焉未幾奉差之朝鮮先贈  
王提兵趨旋城有警三月二十四日與周世龍世  
虎世豹等抵石藻橋敗其哨騎翌日攻樓子山敵  
設兩伏益兵來戰先贈王策馬渡橋所向披靡伏  
發突圍而出至橋橋斷還騎格鬪與世龍等皆沒  
於陣王聞訃遄歸躡踊哭泣之哀感動行路所以



慎終追遠無不竭力人皆稱其孝毛帥旣奇王才從衆望令王卽統先贈王所部於是威名漸著矣論曰天運地氣與人事相桴鼓西漢功臣多豐沛東漢功臣多南陽

昭代功臣多三韓地承天而生人也取天下之才常借之敵國明邊防頗密全局未動欲率兵從陸歸命勢亦甚難造物者若巧設一東江以開航海之路也天爲人而置地也王起於海成於海嶺表一區藉王創藉王守與遼陽洲島之勢如率

然相爲首尾焉人依地而見天也古功臣結構如此蓋少然則先贈王入東江特爲王導師耳以父子終分作君臣始合非常情所測矣

又曰子與氏云天降大任必先苦其心志勞其筋骨行拂亂其所爲王未弱冠遭家難孤苦備嘗冒險尋親終天拘痛所以動心忍性者至矣故其處功名之際洞悉人情慮周而計遠得持盈之道也夫創業者常勞繼世者常逸勞逸之際吉凶悔吝分焉王授簡之意非爲揚詡蓋將

以其涉歷艱難者遺諸後人則明義開宗不容不於此一著眼矣

壬申王從旅順鎮進三島扼登州颶風壞舟不克成而還

毛帥旣沒黃總戎龍代領其軍黃素嚴馭下苛急嘗窘辱王未幾鎮兵大譁刦黃幽於別室王時分屯海上聞之亟返黃聞王至疑王銜之頓足曰吾休矣諸將士亦意王持宿憾且甘心黃及王至乃持黃泣且納橐餽曰某在公無恐因出說中軍遊

擊李維鸞等曰公等欲叛朝廷適他國乎抑從壁上觀遂漠置之也諸將曰否此兵變耳我何能爲王曰公等身爲偏裨坐視刦帥而不討賊一旦問罪師至咎將誰諉諸將皆曰奈何王曰此曹子雖譁然倡者不過數人誠能相與出帥誅首亂者以功自贖則轉禍爲福矣諸將曰諾于是與維鸞等出召吏士斬首亂十餘人一軍震懼乃奉黃還帥府黃泣語王曰公大度非人所能且馭變定亂濟世才也遂薦擢王爲遊擊將其後軍時登州用兵

調黃鎮移駐旅順未幾命進前三島相機扼防三島者廟島古沙門島鼉磯以硯著皇城唐太宗征高麗時駐蹕地也當登州北面爲突圍必走之路黃鎮乃以戰船八十餘號發旅順揚帆南進值颶風全艚散沒王舟破溺者五人傷者數人王及諸卒羣抱壞舟浮沉水上一日夜至趙家灘水長僅得及岸去圍登之營二十里祖大弼指爲叛者將殺以爲功時有識王者密語大弼此海外尚遊擊其昆弟皆爲將不可動遂擁以見監視高起潛呂直總督朱大典巡按謝三賓質問至再黃鎮聞之以飛箭來調并屬登萊吳總戎躬往解之誣始得白王至八角口見黃鎮具述其事黃鎮怒曰殺良冒功固若輩長技乃至欲殺吾鎮將天下事尚可爲耶時戰船俱壞不能列戍遂收合餘兵還旅順論曰三島之扼厄於颶風天也自此而登州潰圍旅順覆沒以海上一線逼流爲底定南荒擊楫之始嗚呼此豈人力所能爲哉

癸酉王率兵出剿海上旅順遂陷

時登州潰圍出攻旅順不克去旅順七十里而營方絕糧網魚以食王率精銳數百偃旗息鼓從間道出其不意奮擊大敗之所殺甚衆受撫千餘人餘皆東走黃鎮益選勁旅五千人授王爲蕩掃安全之計王率兵至廣鹿合戰復大敗之殺獲燒溺死者無算追之於石城追之鹿島連追及於獐子島相持愈急黃鎮且令務絕其黨王屢遣使白黃鎮謂勁兵俱出旅順空虛宜置此敗殘還防根本黃鎮不以爲然登州兵從港汊登岬徑達瀋陽請

兵還襲旅順黃鎮百方守禦兵力不支乃急譟王城將陷以敕印旗牌授譚總管應華南向拜辭披重鎧巷戰死之王夫人邢氏李氏素有志操泣相語吾夫當爲世間奇男子吾屬爲貞婦人不可受辱遂攜手赴海盡節家口數百人相從投水無一存者王抵三山聞變南望慟哭招魂設位祭黃鎮及死事將佐并兩夫人遂率所部趨登州

論曰國家將興必有禎祥非符瑞之謂也兩夫人能率王一家死於貞烈不爲與名玷而王之

家聲遂有不可犯之勢禎祥孰大焉死生命也  
苦樂時也不與王同享其成亦足矣

天聰甲戌春王歸於

大清

王至登登之監視文武大吏知王勇畧交章共薦  
中樞題覆旋奉旨破格擢用然王本以三島副將  
協鎮旅順諸大吏以海上視之靳不給糧王前後  
失據乃以兵之廣鹿屯廣鹿故有守將見王至不  
悅譖於島帥沈世魁世魁遂欲甘心於王矣世魁

初以女侍毛帥頗用事爲前協副將黃鎮之代非  
其意也島兵鼓噪世魁實爲謀主黃鎮被囚諸亂  
者皆以大將禮奉世魁世魁偃然受之示得志王  
仗大義斬亂者世魁大沮恨王刺骨黃鎮屢欲殺  
世魁王與都司任友達總管譚應華以毛帥故力  
爲之解世魁不之德也黃鎮殉難世魁夤緣竟爲  
帥於是島將王廷瑞袁安邦孫奠邦希世魁指誣  
揭王罪狀世魁檄調王還時後軍已更易將部曲  
皆抱無家之痛又衣糧不繼進退維谷衆汹汹無

固志王拮据撫循心力俱殫旣得檄卽發廣鹿就世魁抵長山島再遇大風不得進世魁復急調王王以諸營將領各有書使來迎而素所約契至厚者無一語至王內疑之且怪風濤之異因不赴遣人偵之得世魁欲害王狀乃撫膺嘆曰某結髮從海上戰一十餘載父母妻子先後亡散今出萬死不顧一生爲朝廷追亡逐叛城陷家破以至於此而妨功忌能之人必欲擠之死地天下事可知矣因念毛帥受朝廷委寄賜便宜甚重一旦書生奉政府意出片語立死軍前今權在世魁欲殺一營將故易易且明天子勵精圖治加意邊疆而諸臣恣意營私牢持門戶厝火有形叩閭無路大丈夫具掃除天下志豈甘以不貲之身爲溝中之斷耶

時聞

太宗皇帝豁達神武延攬英雄視漢人如同體遂決策輸誠密遣盧可用金汝貴赴

盛京納款

太宗得王如漢得三傑立遣使齎貂裘示信王慮事泄

止之訂以乘機請命遂於甲戌元旦之會束甲而人執副將俞泰亮仇震舉兵畧定廣鹿大小長山石城海洋五島擒其將馬建功孫奠邦王廷瑞袁安邦孫有明率所部將吏兵民一萬餘人航海登陸以俟

太宗皇帝先遣內院范文程都統陳旦木率兵抵紅觜堡千里接應

聞王至大悅以爲不費我朝張弓隻矢率士民載甲仗傾心歸命且首建大功爲國家肅清海島識時豪傑禮待宜優特遣吏禮二部親王迎勞給萬馬以乘所部男女三月十六日至海州凡居室飲食卧具器物萬餘人無不畢具王入

朝繳三島副總兵關防擢授元戎麟鈕銀印

勅書一道

賜袍帽靴帶襪全副貂裘八襲雪裡猴裘八襲狐裘八襲馬百匹腰刀弓箭盔甲鞍馬四疋駱駝四頭圍帳房二架羊五百牽諸物有差又

賜蒙古安各賴等四名家屬二十餘口用理駱駝出兵

之事

論曰石城既下諸將有進屠島之議者王曰夫立大功以人爲本石城既下石城之人卽吾人也奈何殺之議猶不已王怒曰若必欲殺石城之人者當先殺吾石城始免及奉

命居海州捐貲以贖諸島人家屬之散失者婦還其夫子女還其父母權聲雷動嗚呼此曹彬所以下江南也古今大將未有好殺而能善其後者王之祿位名壽卽此足以操左券而取之矣

乙亥夏五月從

太宗皇帝至大同宣府

王以所部兵入鴈門直抵代州獲首功七百級凱旋

賜白金五百兩分給園地果木牛犁子種贍諸歸附之人

崇德元年丙子夏四月進爵爲智順王

是月八日

太宗皇帝卽位於



盛京建號大清改元崇德以王知明運衰微識時事  
爲向背載之金冊二十七日封智順王封夫人劉  
氏爲智順王夫人是歲冬扈

駕征朝鮮王率所部同輔政王破其救兵於果木山又  
以所部兵同英王攻皮島破之

四年己卯分屯義州

五年庚辰圍錦州

時大兵分番均勞養銳爲持久之計明督師洪承  
疇率兵十三萬屯間衡山謀解錦州之圍王以所  
部兵同英王與總兵曹變蛟戰於松山擊斬之復  
同鄭王肅王合先後換班之兵與承疇戰大破之  
承疇全軍俱覆祖大壽舉錦州降遂從攝政王取  
杏山

賜蒙古十家男婦五十餘名口漢人二十家男婦八十  
名口復率所部同鄭王攻中後所前屯衛塔山等  
城皆取之

順治元年甲申夏四月從攝政王入山海關會平西  
伯吳三桂兵大破賊李自成走之遂入北京

李自成以三月十九日陷北京四月率賊將劉宗  
敏李遇等統衆數十萬將攻山海時攝政王統大  
兵趨山海王從次錫河平西伯吳三桂遣使告急  
遂兼程赴之自成以二十萬衆迎戰大敗還焚宮  
殿走陝西攝政王入北京王率所部別追賊至慶  
都斬獲無算時直隸八郡皆定王分遣馬步兵同  
固山葉青從德州狗下齊魯諸郡復移兵山西所  
向皆下惟太原爲賊據以大砲擊破之羣賊盡殪  
無遺者

秋八月同攝政諸王恭迎

世祖章皇帝正位北京

冬十二月克延安

王奉

命同英王自西路用居庸由宣大抵偏頭關渡黃河至  
綏德州時三晉畧定兵從西河驛渡與大軍會英  
王養馬米脂王先同固山譚太率兵攻延安賊李  
錦據延安與膚施縣城相犄角王分兵圍之二十  
餘日未下王勅諸將佯攻膚施而陰勒精兵傳延

元璋通鑑 卷一  
安城猝用大砲擊之賊不支遂宵遁王與固山分  
追馘斬甚衆鹵獲其甲馬器械不可勝紀時豫王  
之師亦由河南路破潼關敗流賊克西安

二年乙酉春三月同豐順王取鄖陽荆襄與英王會  
師承天遂下九江

是歲二月英豫二王駐西安三月豫王分兵下江  
南王同英王由秦嶺出武關抵襄陽時英王由左  
路王與豐順王由右路賊將王光恩苗時化鄭四  
維皆望風來降三郡悉平遂會英王之師於承天

時賊已渡江王率兵別追賊至樊湖獲其戰艦二  
十餘艘盡降其衆復遣兵從敖拜巴哈納八固山  
之兵追自成於興國州大冶自成已死擒賊將劉  
方亮等餘黨犇夔門英王遣官入武昌撫諭湖廣  
所屬郡邑遂與王順流下九江左良玉之子夢庚  
以十五鎮全部迎降五月十四日豫王克金陵捷  
至王同英王區畫左鎮部曲應調用者調應散遣  
者遣其餘悉率還京王以所部還海州

三年丙戌秋八月奉

命同恭順王懷順王噶喇額真焦奈藍拜取湖南

秋八月王奉

命同恭順王懷順王噶喇額真焦奈藍拜率師取湖南  
威聲所被按節而行無有當其鋒者度岳州故明  
督師何騰蛟率諸鎮將棄長沙走桂林曹志建棄  
永州走鎮峽師至湘潭懷順王別率兵趨湖西王  
東渡江征燕子窩故明總兵陳士明等領衆降長  
沙府屬各縣悉平王回復與恭順懷順會於湘潭  
同入衡州時郝永忠犯桂陽王率兵剿之至長寧

斬其哨騎乘夜抵桂陽永忠先遁追至羅田龍水  
擒其前鋒總兵張學禮永忠棄營走道州王遣鐵  
騎襲之復走粵西先是恭順懷順同各固山兵由  
寶慶攻武岡至紫陽河與陳友隆等戰未決趣王  
濟師王自道州會之遂克武岡降其大將劉承胤  
等復進攻沅州走其將張先璧遂由沅州入黎平  
騰蛟之家殲焉由永州抵全州粵西大震湖南湖  
北平

論日子聞都梁降將有被殺者其幼子襁褓匿

元功在範 卷一 十一  
乳母民間王聞令善視之今能讀書成孝廉所  
謂周起鳳者也王於降者却其賂死則全其孤  
蓋陰德有如此或曰王初出兵海上戶部差官  
溫三才自登州迎其家於三海失風至雙島與  
舟師遇千總三人見其女美爭欲掠之王佯好  
語三人曰吾方無室公等宜見讓三人者唯唯  
王密護以歸三才夫以不貪繼絕世不以淫毀  
人之節皆爲天地鬼神所敬愛王以元勳享壽  
考麟趾之歌於今爲盛亦以見陰德之未嘗負  
人也王兵乏餉三才力請於戶部發帑金七萬  
以濟之全一家而救三軍之危其食報也公之  
人而不專之已王復何心於市恩而感應之理  
有必不可誣者人患德不修耳可漫云天道無  
知耶

### 四年丁亥夏五月還鎮武昌

是歲王方抵全州圖攻桂林適江西告變王以上  
遊聲勢不可不壯卽與恭順懷順二王及噶喇額  
真率師還武昌固山譚太討南昌復分兵運砲協

元功三集 卷一  
攻秋八月班師還京

論曰由西北而下勢如建瓴由東南而上勢如  
出井蓋未有得志於中原者也宸濠知取建業  
而不知防虔州金聲桓知防虔州而不知取建  
業皆底於亡雖然用兵之勢建業不如武昌當  
是時吳楚騷動使上游有失卽太行以南未易  
定也王還武昌以退爲進所謂中流一柱人能  
知之抑使王不下湖南則湖南之兵必與江西  
合惟使長衡永寶諸部皆竄伏於數千里之外  
而聲桓舉事已無必救之兵遂無必守之城是  
故下湖南以連爲斷所謂截流一渡人未能知  
也然則王之下湖南還武昌不事赫赫功而隱  
有磐石之固已爲定天下全局所倚重矣

六年己丑夏四月入

朝改封平南王奉

命同靖南王取廣東

先是戊子十二月

世祖章皇帝遣使至海州召王率所部官兵家口入關

元功聖鑑 卷一  
將廣東提督李成棟脅其總督佟養甲據嶺以叛  
出犯南贛也四月三日王以所部發海州暫駐天  
津而躬由豐潤入

朝

上以王智勇兼濟撫剿得宜特頒金冊改封爲平南王  
三台龜鈕金印

敕書一道加祿六千兩改懷順王爲靖南各率所部同  
取廣東仍

命戶兵二部查給運船以載兵仗戶部大人阿哈尼噶  
等專理沿途糧餉秋七月十八日自天津水陸并  
發九月抵金陵時杭州定海金華嚴州處州等郡  
調兵俱集冬十一月二日王駐臨江靖南駐吉安  
擇十二月朔三日出師十一月靖南王薨王以封  
疆事重不得久稽會江西巡撫題報慰勉靖南王  
子耿繼茂移孝作忠無替

簡命遂各率所部如期啓行十五日至贛州二十八日  
至南安

論曰是時

元功手錄 卷三十一  
廷議王取粵西靖南取粵東定南取福建王進  
言川貴雲南皆未賓服湖南北部黨甚衆剪除  
未易非益兵不可定南顧目王以爲怯王曰吾  
受

恩浚重有進無退然不計成敗輕於一擲其如國事何  
必留本旗家屬於京師必益兵乃往於是議王  
與靖南合兵取粵東定南自請取粵西王以庚  
寅十一月二日被廣城定南亦以十五日破桂  
林七日破蒼梧畧定潯柳南寧壬辰遂及於難  
此故有命不可強也雖然粵西全疆俱失三鎮  
東下藉王無衣之賦爲復楚之功定南以勇成  
其忠而王以智成其義固無負於初取粵西之  
命矣兵法曰知彼知己百戰百勝予願爲將者  
以持重造命勿全委之於命可也

### 冬十二月晦攻南雄克之

王初至南安催取糧料槽道鍋斂聲言養馬度歲  
先一日密遣副將栗養志衣漢衣騎而前至南雄  
城下擒二土人還王訊得將兵名姓城守情形卽



元功通鑑 卷一 二十九  
日率師乘夜度大庾嶺五鼓抵南雄圍其城遣官  
宣諭

朝廷好生德意許以自新至再三守將楊士傑等不下  
王躬巡城外相度地勢令遊擊陳武先登東山奪  
其大砲守兵敗走卽令諸將東南北三面奮勇一  
鼓而上遂克之斬其總兵楊傑董洪信鄭國林等  
五人副將蕭起等二十四人騎兵二百餘步兵六  
千餘獲馬一百六十餘匹甲仗不計拒戰將士家  
屬分賞有功民間婦子查發其家安堵無犯吝僱  
巡撫李棲鳳到任留副將栗養志都司閔飛虎等  
率兵防守

論曰前此王未嘗特將自靖南薨戰守方畧一  
出王指授狄武襄以燈夕奪崑崙關王以除夕  
克南雄一也人情之常醜毒存焉燈夕除夕令  
節也宴賞爲樂人之常情也一狃於常情一不  
爲所狃而勝敗之勢決矣王用兵暗合孫吳前  
此宜多有之王好讓蓋曰入關以來有豫英諸  
王下湖南有恭懷二王在吾何力之有焉非古

之大樹將軍之風歟

七年庚寅春正月下韶州

是月朔三日王遣總兵班志富等率兵攻韶州明  
守將羅成耀先遁同知許元庸率官民耆老出降  
初六日王入韶州安撫韶屬樂昌英德翁源乳源  
仁化諸縣部選官皆赴任仁化水坑界連江楚有  
四營八營翻天營山寇萬餘賴軍門等偽造敕書  
關防結連煽惑王分遣將士密授方畧出其不意  
剿殺殆盡各請撫軍赴韶綏戢并理餉運事宜仍  
撥遊擊張瑋張大奎防守二十六日王由陸路進  
兵二十九日次英德

遣總兵許爾顯等由水路襲清遠取之

王定計從韶州陸路取道從化徑達廣城而以清  
遠據廣上游北接南韶西連肇慶當孔道爲水陸  
衝若大軍淡入而河道不通敵從清遠友襲韶州  
斷我歸路則背腹且將受敵乃命總兵許爾顯副  
將江定國等率舟師取清遠下三水至廣州與大  
軍會焉清遠旣拔令守道陳贄入城彈壓分兵協

守

二月四日降從化

王初抵從化遣使招諭使者以拒命報諸將怒請  
攻之王曰百姓皆

朝廷赤子且斗大山城無兵無將縣令南人非杜永和  
同黨何恃而不降乃別遣使招諭於是縣令季奕  
聲率其官吏軍民出營繳印王以從化爲廣韶往  
來要路新令驟往恐呼應不靈奕聲熟習民風仍  
令視事

論曰羊城未下九閱月其間鑄大砲揆求匠作  
辦硝磺炭鐵接濟糧艸從化皆有勞焉此王不  
攻之明效也夫忍一時之忿識其損益之數而  
全之蓋用智以成仁也出於一念之好生終獲  
其益則仁以成智是之謂天德爲大將者其尤  
貴知天德哉

初六日王及靖南王子率大兵抵廣州明總督杜永  
和拒守不下遂圍之

己丑春李成棟犯贛州出信豐聞追兵驟至遣諸



原件模糊

部先還成棟斷後死永和代總其軍王及靖南世子率兵抵廣州永和拒守不下遂圍之

### 總兵許爾顯率舟師護大砲赴行營

許爾顯等兵至蘆苞水廣州水師戰船百餘號沿江阻截聲勢甚橫爾顯先奉王密諭卽移砲登陸下營列陣敵知有備不敢逼相持十許日爾顯密以小舟三十餘每舟載十餘人五鼓潛進火器齊發敵營驚擾斷維遁去奪其大戰船八焚其舟二十餘遂順流入石門之水會於行營

論曰全兵在陸以戰水戰亦疑我短於彼所長自不敢逼矣彼短於陸戰亦疑我短於水戰而又能反我所短爲我所長非王無此密令非許鎮無此圓機爾然則用人不易爲人所  
用亦不易奉一將令知其意所在謂之識因其  
意而變通之滿其意而後止謂之才才與識兼  
而始不負人之用矣故同一指示也許鎮則立  
功閔飛虎則債事豈不存乎其人哉

三月攻龍眼崗屠之

兩藩兵數萬乏食王與靖南分遣人於獅嶺慕德鹿步烏石諸鄉和買民多梗阻鹿步下有龍眼崗五百餘家閉寨門發火砲拒使者王諭總兵許爾顯等曰吾本以德相懷今若此不可不殺以示軍威爾等其用命時春雨泥濘攻圍十餘日守備張文升等先登克而屠之於是諸鄉聞風知懼始出米應糴隨遣各司巡檢撫慰其民

論曰書此以見用兵之難也民不能責其遽服兵不能聽其阻饑殺以示威勢固有不得不然者故曰毒天下而民從不毒則將不從毒故非聖賢之得已也

擒廣州總兵蘇文光

廣州總兵蘇文光潛兵小舟作農裝往來慕德里探虛實謀截我後王伏兵於岍遣署巡檢王世爵誘之文光棄舟追世爵入伏中兵起擒其父子殺溺死者甚衆焚其舟

遣總兵許爾顯等督造戰船募水兵

時招降紅旗海寇梁標相劉龍勝徐國隆等戰船二百二十五號分駐東西二洲王乃令許爾顯等造戰船募水兵連營合勢以牽制廣城永和聞之懼水路失守求援碣石衛總兵蘇利利發白艚二十餘艘應之嗣聞紅旗就撫復調還爲我兵所獲舟一擒十八人衆請斬之王曰碣石界惠潮兩郡間易亂難治蘇利調船回衛已與永和解體矣不爲彼用卽爲我用其機不可失也立加犒賜發書遣使仍檄惠州道府護送歸之

論曰廣州三面阻水久守而不困者饒道有餘也王克廣州不藉水師之力而水師在所必需紅旗諸寇爲我同舟蕩然無牽制之慮近之得縱其攻圍久之足斷其餽運此長策也至於遣還碣石之使則沿海千里不費剪除一盼之間遂爲十年之用所謂得力處在省力省力處愈得力者非耶

### 遣尚奇功白萬舉協守惠州

初惠州總兵黃應傑嶺東道李士璉密啓納款王

元功通鑑 卷上  
以廣惠相距五百餘里慮多梗化先發總兵許爾顯等率兩藩兵疏通道路爾顯兵抵增城縣令孫士登降仍令視事爾顯還總水師諸將至惠州應傑士璉預擒故明滋陽銅陵興化永豐等八郡王卽軍前斬之并繳各縣印仍檄奇功萬舉協守

### 遣原任化州知州鄧天任宣諭潮州

先是潮州總兵郝尚久巡道沈時遣使納印然郡城南面大海鄭成功有乘風猝至之憂郡北崇山多寇故明巡撫王芋監軍道高金印抗命不出王念切聲援恐鞭長莫及孤危生變乃遣天任齎文武牌剗度嶺走南贛取道於閩往宣諭之天任次漳州則尚久之使熊飛熊已至漳告急矣漳鎮以尚久順逆未明持疑不應及王諭至卽發兵往援海寇遠遁潮城獲全一介之力也

論曰善用兵者如奕棋然必有閒子以作遠勢初似漫然及其併力攻圍全局將定而所謂閒子者着着不閒所謂遠勢者着着與近相應王攻廣州先通惠潮道路此遠勢也廣州旣克王



元功垂範 卷上 其  
無東顧之憂從容指麾以收西路兵力常沛然  
而有餘故曰智者審全局愚者昧一角

### 夏五月斬違令失機守備閔飛虎

初閔飛虎奉令同韶州遊擊張大奎率馬步兵護  
送硝黃砲子之舟赴行營凡一路沿河汊口某所  
有阻截某所有接應應從某所行船某所到營併  
起行期日進止機宜王皆一一密諭飛虎至清遠  
逗遛五日不行中途塘報稽遲失候至石門遇敵  
始具報聞王遣中軍金有賞劉國寶等率鐵甲往  
援敵始敗走時飛虎由水大奎由陸有賞等三催  
飛虎過河不應大奎兵在南岍飛虎亦不顧順流  
徑下於是大奎勢孤援絕爲敵所圍被執死之飛  
虎至王數其罪立斬轅門諸營肅然  
論曰志有之師克在和飛虎大奎奉令同行而  
視若秦越必與大奎有私郤也飛虎王所部大  
奎隸靖南部王立斬之不惟申嚴軍令其於和  
衷之義兼得之矣

### 明總兵馬寶等攻清遠破走之

王以清遠爲咽喉重地預遣守備尚奇成等率鐵甲隔水而營以備緩急時馬寶郭登第等由肇慶來攻奇成潛渡河伏城外寶等率衆攻城奇成疾趨舟次焚其舟還兵掩殺鋒始交城中之兵鼓噪而出腹背夾攻大破其衆

論曰此破廣州一關鍵也肇慶以全力襲清遠非王先有以待之寶等足以制南韶而杜永和亦有以綴我則南北斷收拾難矣用兵之法慮欲密行欲先未易爲噲伍道也

### 請益兵

兩藩所部不過二萬除分防各郡邑外瀕海蒸濕疫癘相仍故以益兵疏請於是廣德總兵郭虎贛州副將高進庫先啓王等各奉

### 旨率所部赴廣協攻

### 遣副將吳進功等取三水敗其援兵

遣吳進功與金有賞高有貴等率兵往取三水縣令楊一梅等棄城走故明督師何吾騶總兵陳奇策等率戰艦百餘艘泊江干進功以砲擊之王諭

元功垂範 卷上  
尚奇成曰授爾鐵騎潛伏城東勿使賊見且令諸  
兵少退誘之登岍分頭疾擊必獲全勝奇成稟令  
至三水於是進功等佯退盡伏東面張月等由北  
趨三水水兵亦登陸列陣東來進功有賞自南迎  
擊月等出不意合戰大敗浮水而遁奇成有貴以  
鐵騎蹙其水兵悉披靡死傷畧盡

### 冬十月戰船成

總兵許爾顯督造并修大小船二百二十九艘合  
梁標相等船二百二十五艘王遣兵分配乘坐赴

東山寺下永和 water 兵逆戰破走之

### 鑄大砲造砲車成

先是三月王以廣州三面阻水非砲不克懸重賞  
購鑄工遣牛录劉成德督同從化知縣季奕聲監  
造至是成計新鑄紅彝大砲四十六贛州隨征大  
砲八查取南韶各城各營大砲十九共砲七十三  
起爐行營製火藥砲子王旦夕親教之每砲一位  
備火藥砲子五百出王以大砲必用砲車嶺海旣  
無車匠因鑿營中大木爲車頭拉砲艱澁不行金

有賞進曰有輪有軸車乃可行必鑄車穿始能運動王諭諸將購求有隨營木工自言能鑄但造模之士恐不易得王曰汝能鑄車穿何不早言此時方出於法應斬且欲造模豈有許大地面不能得土者卽遣甲士押同往覓責限三日不數里得之車穿遂就乃成大車運砲以進復製飛車天橋哈哈木竹圓挨牌攻城之具無一不備適奉調廣德贛州兵馬咸集二十九日王指授方畧以西關迤北一隅可以架地進取分發兩藩各鎮總兵班志富連得成郭虎高進庫等率兵棄馬徒步涉淖泥而前奮勇砍開西關外濠木柵自長橋南趨新築小城從堞口騰上遂克西關

### 十一月朔二日克廣州

先一日三鼓列砲攻城日午西門北面城崩三十餘丈時城身猶餘丈許攻者爭上城上砲火矢石如雨死傷頗多王聞之怒披甲上馬親往督攻羣下進諫謂王宜持重勿蹈危地何景貴曰事急矣城不能取砲且俱失王不躬臨誰肯用命耶景貴

卽從王先行王至砲所麾將士更發壘擊聲如震  
雷砲子如驟雨煙焰如黑風毒霧諸將士面如潑  
靛如黔突皆無人色而王意氣益壯城身漸平麾  
諸攻城者上諸將以前隊死傷別行選撥王叱之  
曰天將暮方撥兵安用爾曹爲王震怒一呼吏士  
失魄越濠爭進前者方上後者忽墮後者甫上前  
者復墮王脫鐵甲被綿甲索馬過濠羣下又諫王  
曰吾得此城猶能容爾等不得此城吾無面目見  
朝廷爾等復何面目見吾孫得才獨進曰今城之得失

在此一刻王當過濠遂挺身從王馬渡水水及馬  
腹王登岍卽提刀督押士無敢退步者時城上砲  
火密若張羅不容一隙王棄所乘馬躬欲先登羣  
下抱王足泣諫王曰爾等親見士卒不能登城吾  
欲先登爾等復不許吾當死此卽舉刀自刎羣下  
奪刀於是諸將士忘身効死從肩背頂腦上踐踏  
飛行爭先直進遂登其城分兩翼射之矢如飛蝗  
守兵大敗斬首六千餘追至南門逼海墻溺死尤  
衆杜永和及其將張月李建捷吳文獻殷之榮等

以舟數百艘奔竄出海生擒城守總兵范承恩餘將領死亂軍中不可勝計獲周世子印一顆侯印三顆銅印關防四十一顆大砲五百十二位馬七百二十三匹盔甲器械烏鎗無算初三日王與靖南王子入城止屠戮封府庫收版籍亟遣人至郡學守視祭器毋令散佚傳檄郡邑安處將吏卒伍居數日所屬州縣相繼來歸遣官建廟於屯軍之山額曰得勝奉漢壽亭侯以旌武功

論曰王按兵堅城之下凡九月或乏糧或病或小有勝負皆澹然不動諸鎮將每進見無不請急攻者皆不許奇在步步緩及其戰船成水師練大砲起砲車利調兵集西關奪攻城之際親至砲所親渡濠督兵親棄馬登陴至欲舉刀自刎以激厲諸將士奇在步步急緩之時使人疑使人發憤使人憂急之時使人語不及吐足不及駐手不及下呼吸之氣不及通而廣州始破人知王以三日之急下廣州不知九月之緩皆急也善用兵者時如處女時如脫兔是故以緩

爲急而後可與言用急矣王之迅機密用運於不測而所以運其不測者惟一不輕如後臂將軍之射數十步內度不中必不發及其發也無不中者孔子亦曰好謀而成我戰則克暴虎馮河皆所不與非大將所當取法歟

又曰置其主於危地羣下所不忍也何景貴孫得才獨贊王決計冒險身先士卒以成大功非所稱愛人以德者耶故曰將軍有死之心士卒無生之氣則一莛可以復全齊及其黃金橫帶

而馳乎淄澠之間有生之樂無死之心則全齊不足以克一狄予故標二子大節以爲事上者勸嗚呼美疢藥石之分爲上者亦宜知所自擇矣

諸將請剿石門及佛山王不許

初張大奎之敗石門之民鳴金集衆爲杜永和助勢廣州破諸將請剿之王曰杜永和之兵在石門石門之民敢不出乎吾奉命討罪脅從罔治此脅從也爾等欲爲大奎報讐誠善然大奎之讐是杜

永和、非石門之民，豈可舍大而圖小議，乃止距廣州六十里，有鎮曰佛山。王兩遣人密招，皆不應。諸將亦請剿之。王曰：「佛山無城郭，無職官統領，誰敢拒我？其不能出身來應者，杜永和哨船駐防在彼。一有漏泄，身家先喪，情固可原。諸將復請不已。」王曰：

上命吾克粵，卽鎮其地。此地爲四方商旅湊集之區，往來貿易，百貨在是。一經殺戮，市井丘墟，商旅裹足，百貨不通，亦非吾等之利。其熟思之，於是兩地並得安堵。

論曰：石門諸村、佛山一鎮，數萬生靈全活於王片言之下體。

上帝好生之心廣

朝廷不嗜殺人之德，意王之仁至矣。天下之事，折之以理，不如融之以情。王所以諭諸將一出於情理之平，故悅服而無偶語。夫剿石門、憤也，剿佛山、貪也。王顯奪其憤而陰中其貪，韜鈴之妙，見於詞令異哉。



遺總兵許爾顯徐成功等率兵水陸並進西取肇慶等府

是月十六日肇慶城守叅將宋裕昆以其戰艦五十艘及馬步兵三百餘人迎降許爾顯徐成功等入肇慶招來所屬州縣時潮地猶未盡歸復遣總兵郭虎率兵由惠至潮相機剿撫

八年辛卯春正月許爾顯徐成功等畧定肇慶府及羅定諸州縣遣爾顯守肇慶成功率兩藩與贛標副將高進庫先啓玉等兵取高廉雷瓊等府

二月徐成功等下高州

徐成功率兵至陽江之岍崗擒謀稱有提督李明忠調廣西狼兵三千餘人列柵拒守成功等督兵進連破三柵殺其兵二千餘人獲馬五十匹至電白不下攻破之次日砍其連柵四十餘里直抵高州明忠先遁副將王邦友等及其監軍道郭光祖吳人龍出降

郭登第馬應龍等來降

郭登第等以故明總兵守羅定退屯於兩粵之界

元功通鑑 卷上 五  
依山自固王先於庚寅十二月遣使齎

恩詔多方招諭至是登第率其將領三十七員馬兵三百步兵二千五百餘名來降

三月初一日下學

時兵燹之餘生徒亡散王會巡撫李棲鳳卜吉下學以大牢祀孔子以少牢祭四配十哲及兩廡諸祠廣州學舊有唐宋祭器王初入城卽遣人守視封識至是陳設煥然諸生大悅祭畢聽講給賞賚讌飲盡歡從容竟日而還

夏四月下廉州

徐成功及高進庫盛登科等由石城至廉州守兵皆遁破武利營殺兵數百追二十餘里生擒四將兵百餘人斬之三月攻靈山殺千餘人抵蒙屯舊州連破八營追五十餘里得小馬一百餘匹殺其兵二千餘人四月渡河營於舊州故明總兵甯武忠等率衆萬餘來戰成功復擊走之殺三千餘人生擒五百餘人追三十餘里復殺二千餘人生擒百餘人得小馬一百五十餘匹器械無算時平定

玉崗山寇李士元冷雄傑擁衆肆掠成功督兵攻之焚其寨殺三百餘人復戰斬士元等於陣殲其餘黨於是雷州渠帥王翰李人超等皆遣使來降遣總兵班志富攻克海豐分遣馬甲剿撫惠屬之未附者皆定之

郭虎路出海豐故明都督薛進拒戰正月六日王遣總兵班志富率兵會剿臨行授以方畧二十七日志富虎與惠鎮黃應傑分門圍堵初夜下圍安砲二十八日城破屠其衆進率千餘人踰東城遁

至新市志富等追圍復破其寨進死餘黨平志富駐惠潮交界地爲兩郡聲援分遣牛永王俊民哈峰吳志明千總白光才等以馬甲從應傑剿撫惠屬之未附者皆定之虎趨潮州與潮鎮郝尚久剿撫潮屬之未附者虎尚久報稱屬邑皆歸惟鎮平平遠未下招徠非遠於是以次還師嶺東悉定

秋九月徐成功等下雷州執李成棟子李元胤不屈殺之

冬十二月靖南王率師取瓊州

元功垂範 卷五  
初杜永和等出廣州由海道入瓊自守王以其兵  
勢尚重不亟剪除恐復滋蔓且高廉雷新入版圖  
尤慮安攘未善擬躬往撫剿靖南王曰大兵入廣  
以來攻城畧城皆出王指授勞苦功高瓊州孤懸  
一島高廉雷瀕海瘴鄉不足以辱王車騎爵世受

國恩新叨

簡命請獎率所部僇力行間擒永和以蕩平瓊海分王

憂勞報

朝廷知遇王從之乃以是月十五日出師

命

辭扯地分耕之

王初拜

命出都奉傳

上諭各官兵等於廣省底定之日照依舊例扯地分耕  
以資贍養王念廣州三面臨海地狹人稠恐失業  
流離復成禍亂且官兵家屬不下五萬有奇自出  
都門每月給二斗五升僅足饗殮今將計人授  
畝則兵方趨戰不能脫甲營農必田有餘糧始可

元功通鑑 卷一  
住支月米是扯地既不便於民而住支復不便於兵也廷議是之於是畝畝如故耕耘不變

論曰西北有可畊之地而無其人東南有可耕之人而無其地自昔歎之粵東阻海負山田疇無幾扯地分耕勢將騷動因之蕩掃所傷愈多又叛服靡常方資戰守厲兵秣馬豈暇蓄畬若行此謀則定國西來成功東犯必難措手矣故屯田之法可行之大定之後不可行之新附之時也王於此不爲家謀而爲

國恤蓋範臣之衷時有長慮而却顧者治兵旣審一時之勢而愛民實遺百世之安其澤及於嶺海遠矣

九年壬辰秋七月右翼總兵官班志富卒請以阿思哈哈番吳進功代之

李定國破廣西定南提督線國安左翼總兵馬雄右翼總兵全節東下乞援王發兵餉救之

李定國以數萬騎出沅州陷衡永破全州進攻桂林七月四日定南王出戰敗績桂林陷定南王焚

其家屬自刎死左翼總兵馬雄從梧州奉檄馭救  
至平樂聞變乃以兵還保梧時敵勢甚張列營數  
十踰平樂將攻梧馬帥遣人告急而提督線國安  
右翼總兵全節及所陷諸郡文武將吏皆竄梧州  
人心震駭王與巡撫李棲鳳靖藩總兵連得成議  
之撫鎮同詞以爲粵西鎮將棄其封疆順流東下  
法紀不守心跡可疑今靖南遠在瓊州各鎮分防  
汛地當閉關謝使扼要自全開門揖寇非計之得  
也王曰不然定南陷歿諸將無主當危疑悲懼之

秋求救於本藩此其心固知有

朝廷也本藩鎮撫一方卽悖逆已形猶且多方招諭冀  
其歸順今粵西文武官兵皆我

朝參養舊人一旦流離豈忍坐視粵西與廣東地連唇  
齒纓冠之救義不容辭若不發兵運餉加意懷來  
彼無所歸附勢必投逆順流而東爲患方大是更  
遺

朝廷東顧之憂誰任此時失撫之咎救而有悞本藩一  
身當之不以相累也於是先遣水師副將強世爵

中軍官白萬舉等率舟師運大砲前往防援仍恐舟大水淺勢難速濟復遣撫標遊擊竇明運以輕舫繼之遂發銀五千兩給梧鎮兵發銀伍千兩給南柳二鎮兵發銀一萬兩於廣州發銀一萬兩於肇慶各買米星馳轉運以給其食復慮兵集梧州器仗未備人心不固更發弓箭并給袍帽令諸將領多方激勵其定南旗下各色人等東來者卽遣本旗副將王國輔稽查收集報王各給口糧安插已而敵兵猝下梧州不守粵西盡陷諸軍退屯封川三鎮負封疆之罪危懼滋深王以爲線國安奉剿南寧全節防柳馬雄守梧定南之兵出援全州三戰皆盡桂林速陷山川遼遠策應無從本非其罪特疏請宥使過之仁作圖功之贖遂遣護衛劉世泰等檄調三鎮至廣州面畫機宜再遣副將蓋一鵬率兵赴肇慶迎護其衆仍檄強世爵白萬舉等發兵防封川江口三鎮謁見王慰撫宴勞有加并爲鎮兵家口擇廣屬之從化增城惠州之歸善博羅分地安居各得其所捐貲繕修衣甲器仗使

得整頓漸圖恢復至守土文臣本奉定南檄撤赴  
梧情在可矜王弁疏申救除柳州道金漢蕙死事  
外如守巡各道則周永緒彭熿趙胤翰袁大受汪  
繼昌知府則沈倫胡順忠葛天驊黃中通胡允知  
州則朱化龍何爾介羅昌齡吳鳳翔知縣則熊坊  
李鳳梧凌爾翰勞士選紀一恂并郡邑署事有司  
共四十六員俱奉

恩宥

秋九月水師副將強世爵等及廣西三鎮之兵復梧

州遣馬雄還鎮

初三鎮至德慶王檄調赴省卽令各留鐵甲與水  
師協守封川江口仍授方畧令世爵等相機進取  
是月五日世爵與三鎮之兵抵雞籠山各章京率  
其鐵甲一千並山而進水師溯流同上環攻梧州  
城中亦分水陸路迎敵一戰敗之斬首數千級獲  
大小銃砲鉄子盔甲器械無算收回三鎮兵丁家  
口數百人牧馬等船四十餘號報至王遣左翼總  
兵馬雄還鎮梧州線國安全節各率所部西行



論曰是舉也王可謂義形於色矣古之人救災恤隣惟力是視况一君之臣一主之土耶粵西陷歿鎮兵東下撫馭一乖其方激憂危而成憤恨則以咽喉之扼爲心腹之潰固勢所必至也王於此疾應而周恤之發兵散餉凡戰船火器甲仗弓矢無不畢給面慰三鎮安其家屬而請命於

朝白其無罪使之無公懼無私顧專意治兵以圖報稱若慈父操藥一夜十起以視愛子之病至今觀

之能使傍人感動而况當日之躬被其惠者乎夫舒

當宁之西顧以無負東藩大夫出疆有利於國專之可也撫鎮之議一守土之責王不肯以一守土自待也厥後

勅至王卽謹奉

廟謨一委之定遠大將軍而首闢蒼梧徐開桂林諸郡成竹已具矣王可謂義形於色矣

靖南王下瓊州杜永和等降

靖南王兵抵瓊州杜永和張月等以其衆降時粵東全省方定西事孔棘王以雷廉密邇恐聲勢隔絕移請靖藩班師於是靖南王振旅還廣州

冬十月香山賊梁子直攻縣據其城遣總兵吳進功等討平之

香山賊首梁子直陰聚不逞潛伏城內十月九日攻陷邑城殺縣令張令憲父子因據城叛王遣右翼總兵吳進功副將曹得仁等以兩藩兵往討之兵旣發王語靖南王曰子直起無賴黨與無多香山之民爲所脅耳今以大兵蹙之勢如拉朽但克城之日玉石俱焚深可憫惻卽日遣官劉尹覺監視諭之曰汝爲兩藩公遣城若下不許官兵妄殺一民亦不許擄民間一子一女有不遵者卽據實指名啓報以違令之罪罪之十二日兵至香山進功遣使招撫子直不下尹覺曰攻勞守逸互有損傷城中之人必不敢助子直而抗王師特効順未有路耳請緩其圍密諭典史陳忠設計擒賊以獻可不煩兵而下也進功從之十五夜忠果密約士

元功至軍 卷上 四  
民糾率敢勇盡縛其黨一百七十餘人以報大兵  
遂入秋毫無犯

論曰兵法攻城爲下攻心爲上尹覺之策能推  
王德意而善成之故知鷹鷂不如鸞鳳也予又  
聞之東官守將有私憾於舊守將馮世祿衛官  
蕭利仁者構署令以不軌詳報剿兵發矣王特  
諭領兵官曰此疑有枉汝但生致兩人勿驚吾  
民兵至二人宴然無所知遣謁王自辨鞫之無  
驗東官獲安王之仁王之明也世未有不明而  
能行其仁者予又表而出之爲諸父老子弟賦  
徧爲爾德焉

十二月發粵西三鎮官兵家屬還梧州

十年癸巳春李定國復侵梧州遂圍肇慶三月王自  
將趨肇慶夏四月破走之

李定國由梧州破開建德慶州抵肇慶定國踞北  
山列柵連營分兵四出四會廣寧相次淪陷距三  
水一河於是廣西岑溪之宋國相韋應登等出掠  
於羅定東安西寧海上戰船二百餘號從新會順

德等漢直入九江口去四會六十餘里三水五十五里韶之清遠山寇亦發勾引西兵聲言渡河由從化以攻廣州而郝尚久復叛於潮州水陸俱震三月二十六日守肇總兵許爾顯報定國移營直逼教場從東西北三面齊攻爲我兵砲箭殺傷暫退又洩西北大塘之水於西南濠徧掘地道爾顯遣兵從南梁口縋城奮擊遂敗其兵奪其梯一百餘架鋤鋤器械無算二十九日定國又洩城濠之水是夜攻城東西兩面皆敗走北面兵用土布囊疊爲牆栽木柵挨牌中藏鳥鎗明拒我兵暗穿地道城中先掘橫溝截斷以期死戰王曰餘無足慮者破李定國卽自解散耳遂自將赴肇慶登城徧閱形勢謂諸將曰吾所憂乃不在此遂檄移靖南王先發鐵騎守三水之西南無令賊從木棉頭渡河勾連郝尚久靖南鐵騎至西南果有兵從木棉頭渡河乘其半渡擊之殺數百人自此無敢窺渡者四月八日王下令平藩下從東砲臺鑿一側門出兵平東北地道靖藩下從西砲臺鑿一側門出兵

平西北地道兩鎮進曰兩砲臺爲肇慶東西翼所恃以守奈何毀之王曰賊由地道入卽有砲臺安所用之但奪其地道不患吾無以拒賊也於是東西兩砲臺各鑿門令曰有能出城奪賊地道者人賞銀五十兩兵皆爭先出城持挨牌順北城行至地道砲火如雨兵以牌護首側身持刃飛騰而進殺數百人餘不能出者火之伏死地道中無數定國氣奪離城五里而營王密遣兵從西南二門出奪龍頂岡之營其兵皆大布裹頭綿被遮身刀矢不能及玉俾以丈五撓鈎長鎗破之令曰獲長毛者賞銀十兩兵於五鼓蓐食潛赴奮勇鏖戰敗之王坐城樓見諸兵得長毛者躍而獻得短毛者棄不復獻下令曰爾等修力一體獲長毛賞十兩短毛者半於是兵爭奮凡生擒數百人斬於城下定國乃解圍走

論曰穿地道以攻城在於使人不覺定國明穿之宜王之明奪之也鑿側門使人不覺出兵亦不覺戰之勝負常爭於先後一着間或乘其不

元功垂範 卷上  
覺或乘其覺之遲也趙奢曰如兩鼠鬪於穴中將勇者勝然未鬪之先奢有以善用其勇者士之奪地道勇矣非王之智何由而逞哉

### 秋八月靖南王討郝尚久於潮州平之

郝尚久初以潮州來降王卽畀之鎮守念其家在北特請給還示推誠置腹之意尚久老矣性剛愎初與郭虎不和復與班志富相忤王皆撤回念欲保全之請調充水師副將以便節制而廷推劉伯祿往代尚久怒不受命王遣舊巡道沈時往諭解李定國入犯尚久乘勢倡亂稱新泰侯聲言復明至是靖南王討之將軍哈哈木之師復至八月十三日抵潮州進兵急攻遂克其城尚久與其子郝堯搏戰不勝皆自刎投井中

### 請給惠鎮黃應傑

### 勅印

黃應傑與郝尚久同時歸附尚久復叛應傑悉力堵禦無二心王請給

### 勅印以褒之

元功通鑑 卷一  
十一年甲午春正月請卹連州死事副將茅生蕙等  
九年秋曹志建馬寶攻連州副將茅生蕙兵大疫  
荷戈者僅百餘人乃與知州崔思唯退保陽山寶  
等追圍之困守十二晝夜不能克復增兵來攻又  
四日四面並進蕙與遊擊馬泗汗守備白守富等  
力戰被執不屈至衡州皆死之王初遣總兵郭虎  
等往救未至陽山六十里而城已陷王浚悼惜訪  
其盡節事甚烈乃有此請

請以蘇利爲水師總兵官鎮碣石以吳六奇爲協鎮

### 潮州總兵官駐饒平

蘇利吳六奇皆土著降將利於攻瓊討潮皆出舟  
師以助六奇於郝尚久之叛堅守程鄉大埔鎮平  
等縣以俟王師故於經制官兵外特請爲水師總  
兵都督方印以別異之

論曰哀死恤生信賞必罰治兵之大節也尚久  
誅應傑擢生蕙恤而將士知勸矣六奇始終馴  
謹蘇利中懷難測王雖並薦而密疏有別其吉  
凶之數瞭若燭照然則興亾不在天運予奪不

元功垂範 卷一  
在內廷是非不在輿論一問諸此心之誠僞豈有爽哉

遣世子之信入

朝

先歲王以定國敗還尚久授首四境漸安痰疾時發疏請解兵回京調養奉

旨不允今三月請以長子之信入侍

闕廷

夏五月請留靖南王仍鎮廣東止移駐桂林之

命

春三月廣西提督線國安稱李定國北營柳州奔踞賓南孫可望差僞將軍馮雙禮郝九儀率騎兵七千步兵萬餘從古坭懷遠來追李定國因犯桂林時定國已掠雷廉入高州逼肇慶而橫州藤縣復有戰船出沒王先遣水師叅將殷之榮駐梧州聞報復遣兩藩下叅將李崇元李承祚率哨船火藥同叅將張華基星馳防剿王度可望定國名爲有隙實似合謀以雙禮九儀之追暗增兵力一伏



元功重錄 卷上 五  
莽於南橫梧肇一負嶠於高雷廉相為犄角耽視  
兩粵請

勅湖南洪經畧承疇分發滿兵由衡州郴桂入樂昌下  
廣州復分發漢兵由永州入桂林與粵西兵趨南  
寧截其歸路而粵東兵從高州進成夾剿之功乃  
為萬全之策五月

上遣內翰林秘書院學士郎廷佐等

勅王專鎮廣東移靖南王駐桂林偕經督撫鎮諸臣同  
心協力廓清南服仍以兩王躬擐甲胄守肇復潮

猷要全粵厥功甚懋

特賜蟒貂裘掛玄狐帽鍍金嵌松石帶靴刀甲胄弓箭  
鞍馬并發兩旗諸將士貂狐羔裘帽帶靴刀鍍鍍  
金甲胄弓箭鞍馬各有差銀各三千兩聽王酌賞  
王念東粵雖經恢復頻年多故肇慶為上游門戶  
南有高雷之逼西有藤梧之警廣惠潮濱海幅員  
延袤數千里布置稍疏應援莫及若靖南移鎮兵  
勢遂孤危疆宜慮疏請收回

成命於是靖南王仍鎮粵東

元功至集 卷十 十一  
論曰經國遠謀貴出萬全不嫌示弱

廷議移靖南西粵而湖南一旅不入粵東勢亦危矣異日者兩王方軌並驅猶不能無待於濟師始成電掃橫江之局然後知王策之籌審也諸葛武侯冠世名臣其所自許惟曰先帝知臣謹慎而已

### 李定國陷高州副將陳武死之

定國自廉犯高降將張月據城叛應之副將陳武護諸道府奉印歸廣州於是嶺西道周公軾學道錢朝鼎同知劉士芳通判時際昌等皆還陳武戰死

論曰君子不以其所能者病人不以人之所不能者愧人陳武拔諸文吏於死而已不爲倖生可謂加於人一等矣

### 秋七月發兵救瓊州

賊陳武從海北犯昌化抵碁子灣城中兵民皆應之殺城守李耀祖瓊鎮高進庫遣遊擊王魁徐登雲率兵往攻武合黎岐以拒方戰臨高復報陷水

陸諸寇一時響應進庫以臨化旣失僭崖路斷乃  
撤兵回郡遣人告急王遣欽州遊擊張國柱與藩  
下守備張文召張志勝等率兵運餉并砲火器械  
以救之

冬十一月王同靖南王率兵救新會次於三水

高州旣陷陽春陽江恩平諸邑皆失守李定國遣  
兵於肇慶隔水而營李總督率秦峇請兩王會師  
王至總督議發兵守新興王不可復議發兵守高  
明王亦不可總督曰

朝廷封疆尺寸不宜輕棄王欲不守豈有說乎王曰定  
國劇寇非大創之必無兩立之勢今之所急在戰  
不在守新興高明去水遠運道難且非要害我發  
兵少不足以守且并棄其兵發兵多定國以偏師  
綴我而悉重兵與我戰我不能戰卽并棄其所守  
皆兵家之忌也且時當霖雨江水泛漲從陸無路  
從舟阻山弦矢解膠瘴厲方作無論守不宜分卽  
戰亦不宜速遂具疏報聞於五月暫還廣州總督  
不能奪然猶檄總兵官郭虎副將杜豹往守高明

時梧州以至西寧警報狎至王謂此土寇挾定國虛聲耳未能長驅第分發諸將防戎墟榕樹潭羅旁連灘諸水口惟新會密邇廣城爲運道要路疾遣甲喇章京田雲龍等守之雲龍至甫三日卽被圍復遣右翼總兵吳進功率兵援剿定國又調戰船出江門下水柵築砲臺於陸以扼援兵九月十一日王乃與靖南王親統兩旗兵赴江門水兵拔柵競進陸兵同時奮擊定國之兵兩路皆敗遂遣阿達哈哈番劉秉功靖藩守備賈振魯益兵運糧與火器入新會城協守時高明告急甚兩王移師抵三洲墟口遣總兵徐成功中軍副將盛登科等以前鋒策應王親督兵繼後至高明十五里獲謀弁降人稱定國於十九日至營二十日掘地道急攻城壞二十餘丈我兵力戰不得入王計衆寡不敵未可力爭當出奇以挫其鋒下令步兵先還馬兵斷後定國親率步騎萬餘來追先以精銳五百人躡王王分兩翼設伏以待結陣徐行追兵旣及還騎接戰刃未交伏起大敗之生擒其總兵武君

禧遊擊王天才等十六人獲馬五十匹定國始退君禧言定國聯絡諸路今方調發郴桂一路欲出韶州江楚界上之兵將入梅嶺閩海國姓期攻惠潮與潮州鎮道所報情形相合王語靖南兵分則弱浪戰者危吾且以旁縣餌之還鎮廣州養威蓄銳此謂先爲不可勝以待敵之可勝也是月三十日高明陷定國殺杜豹擒郭虎遂合兵攻新會分兵出三洲金利富灣羅屈等口距廣州僅百里勢益熾新會城中食盡殺犬馬食浮萍樹皮定國百

道金攻守將吳進功等悉力拒守卒不能下而惠潮屢報閩漳之寇沿海刼掠王復語靖南曰彼遠此近棄緩就急定國以全力注一邑久而不克其能已見大兵將至可乘也遂以十一月初十日與靖南王率馬步兵并舟師次於三水刻期進剿論曰王不守新興不救高明擒武君禧卽還廣州皆出人意表亦善於審勢而已王與定國勢無兩立要當以一戰決之是故不輕守亦不輕戰蓋處處守則處處分彼有所不攻此無所不

元功垂範 卷上  
守是不戰而自屈也故不輕守所以爲戰粵東  
人心惟王勝敗是視一戰而不勝則向之所爲  
守者皆瓦解而土崩故不輕戰所以爲守人謂  
王於此分戰守如破葉子謂王於此合戰守如  
連環耳

十二月王同靖南王將軍朱馬喇等合兵至新會擊  
李定國大破之

王初請兵協剿

上遣靖南將軍朱馬喇燾章京東拜等率大兵入嶺內

會於三水同趨岡城初十日至三洲噶叭什擺牙  
喇甲喇章京宋我兔阿莫兒兔藩下章京徐大申  
靖藩下章京董一奇前探有兵三百餘踞山扎寨  
我兵兩傍疾捲斬其副將梁大勳殺一百五十餘  
人生擒十一人十四日至新會定國陣於縣北驅  
戰象擁大砲列兩山峽口拒戰氣勢嚴整別以勁  
兵屯峽左之山爲乘高驟下之勢王令梅勒章京  
畢力兔阿兒哈燾章京來塔統正黃旗正紅旗擺  
牙喇阿哩哈超哈蒙古固山左翼四固山官兵梅

勒章京范達禮統烏金超哈左翼四固山官兵藩  
下纛章京尚之智副將盛登科等統藩下騎兵擊  
其左山之兵王與靖藩將軍總督登山以觀左山  
兵皆敗走峽口衆望之陣稍動卽令靖藩下右翼  
總兵連得成藩下甲喇章京田雲龍南雄副將栗  
養志督標叅將張榮統步兵合戰大小砲齊發聲  
震地象驚走還敵陣亂八固山擺牙喇阿里哈超  
哈蒙古固山倭攔大等并烏金超哈藩下騎兵分  
列步兵兩翼護之卽令梅勒平京畢力兔敖拜阿  
兒哈纛章京來塔統擺牙喇阿里哈超哈官兵梅  
勒章京范達禮海喇兔統烏金超哈官兵藩下纛  
章京尚之智靖藩下纛章京呂應學等統兩藩官  
兵分隊縱擊聞海螺奮勇齊進砍殺二十餘里投  
戈棄甲伏路旁死者不可勝計獲象十三隻紅纛  
大砲二十位盔甲大刀烏鎗小砲腰刀長鎗無算  
訊降人稱定國有馬三千將戰遣廝養乘騎先去  
定國隨行馬兵僅二百人步兵四萬得脫者不知  
多寡卽於本日令梅勒章京畢力兔阿兒哈纛章

元功垂範 卷上 五七  
京來塔梅勒章京范達禮海喇兔統領擺牙喇阿  
里哈超哈蒙古固山烏金超哈官兵之半并兩藩  
下馬兵督標馬兵追之王與將軍統大兵繼進新  
會圍解

論曰王取粵以全師駐廣州惠以偏裨潮以介  
使清遠先襲三水後攻皆得輕重緩急之序定  
國有數萬之衆頓於新會情見力詘滿漢合而  
蹙之無有跳蕩決戰爭一日之命者其氣已暮  
不可用也雖然王之攻羊城也親冒矢石上不  
致死下無固志定國將戰而驅馬先遁其心已  
去矣吳進功嬰孤城抗方張之勢食盡援絕卒  
以保全其亦墨翟之守哉





